



# 陸平集

三之五

漢書門	二二二
類	一一一
函號	九
架冊	四六

內閣文庫	漢書
二二二	一一一
函	九
架冊	四六

內閣文庫	番號	漢	2221
	冊數	6	( 2 )
	函號	285	73



隆平集

自  
三  
五

前集



隆平集第三卷




宋曾文定公編撰

南豐後學彭期訂

祠祭封爵附

唐臘用辰宋興臘用戌正觀以前寅禘百神卯祭社  
宮臘享宗廟開元以後三祭同用臘辰建隆之制祭  
百神社稷宗廟同用臘戌  
祠部令應先代帝王三年一享牲用太牢建隆四年



詔來年仲春以羊豕代太牢致饗帝高辛廟在宋州  
堯在晉州臨汾以稷契配舜在河中府以臯繇配禹  
在陝州夏縣以伯益配湯在鄆師以伊尹配文王在  
鄆舊配以太公望唐封太公望武成王以廟食今以  
師鸞能配武王在鎬以周公配漢高祖在長陵以蕭  
何配光武在南陽以鄧禹吳漢賈復耿弇配唐太宗  
在醴泉以長孫無忌房喬杜如晦魏徵李靖配乾德  
四年詔先代帝王各置守陵戶太皞葬長沙黃帝葬  
長沙高陽葬臨河帝高辛葬濮陽帝堯葬城陽穀林

帝舜葬零陵九疑女媧葬趙城禹葬會稽湯葬寶鼎  
文王武王並葬咸陽漢高祖葬長安世祖葬洛陽唐  
高祖葬三原太宗葬醴泉九駿山並五戶每歲春秋  
長吏以羊代牛奉祀高中宗至隋文帝十陵並三戶  
歲一享秦始皇至石晉高祖十五陵並二戶三歲一  
享周桓王至後唐清泰帝三十八陵止禁樵採淳化  
三年祕書監李至上言國初舉藏冰之法于司寒之  
祭常在四月行之按豳風七月四之日獻羔祭韭蓋  
周以十一月為正而四月者今之二月也春秋傳曰

日在北陸而藏冰謂夏十二月日在虛危也獻羔祭  
韭謂二月春分始開冰室也火出而畢賦火星昏見  
謂三月四月中也又月令仲春天子獻羔開冰先薦  
寢廟詳開冰之祭當在春秋而行之四月乃有司之  
失也上然之命正其理

集賢校理胡宿言火正閼伯之祠在南京乃國朝受  
命之地自祖宗以來未領于祠官臣切為朝廷惜之  
事下禮官言閼伯為堯火正實居商丘主祀大火能  
宿其官後世日之祀為貴神配火侑食國家有天下

之号實本于宋五運之次又盛火德謂其因興王之  
地商丘之舊作為壇兆秩祭大火配以閼伯以辰戌  
出納之月詔畱司長吏奉祭事上是其議而行之  
皇祐間上謂大臣曰前世祀神有祭玉燔玉今於祀  
典無乃闕乎文彥博對曰唐太常卿王起以當時祀  
事止有燔玉因請下有司求良玉始造璧琮等九器  
以祀神已事則藏之而燔玉止用珉蓋唐以來祀神  
之玉已不備上曰朕奉事天地祖宗豈于寶玉有所  
愛乎其令有司備制製之時沙州遠貢玉乃擇其良

尾

者製為璧琮等九器其黜璜尤粹温祭王之倫蓋始  
於此矣原本第三卷欠一葉自帝三十起至有  
二傳全闕曹彬傳闕首段而謬附以王荆公事  
錯失倫初刻注為闕文不免遺憾茲已丑季春忽  
得六安州楊君希洛千里貽緘從董氏萬卷堂善  
本錄示遂補刻以成全書闕地同心誠快事也  
有神降於終南山道士劉守真以為天之宗神号黑  
殺將軍守真每齋戒祈請必至則室中風肃然声如  
嬰兒獨守真能曉問竇九年太祖不豫驛召守真令  
問焉曰上天宮闕成玉鎖開矣晉王有人心言訖不  
復降太平興國六年封神為翊聖將軍

頌

咸平四年封劔州梓潼神順濟王為英顯王王張亞  
子也生越雋仕晉戰歿郡國志云亞子常至長安見  
姚萇謂之曰別後九年君入蜀梓潼七曲山頭有叢  
林僕所居也叩樹當有應者及符堅命萇入蜀因此  
至七曲山訪得其處舉策叩樹有閤人出曰此神君  
仙室也萇曰神君可得見乎入白有頌教吏前導見  
堂宇壯麗侍御擁神君出乃張君也敘舊設席張樂  
酒酣萇辭神敕左右授以一杖曰有兵革事所指如  
意萇得之戰無不克唐明皇入蜀神迎於万里橋僖

宗播遷亦有冥助故封爵順濟王咸平三年蜀寇王均叛有登城指賊大呼曰梓潼神遣我來九月二十日城陷矣賊射之不見及期果驗帥臣以問故改是封焉劉云梓潼神來歷如此其說已荒唐况又增文續文獻考載倪文毅上正祀典略云按圖志英顯王廟在劍州即梓潼之七曲山晉戰沒人為立廟唐玄宗封英顯又按文德宗大星在斗魁前宋咸平中改封英顯又命梓潼神掌文昌府事及人問六府道家謂上帝命梓潼神文昌府事帝君以二月初三日為誕辰至於文昌宏仁與梓潼無干今乃合而為一誠出傳會所有前件祭祀伏乞罷免  
原案西作惠古通用

刑罰

諸州大辟舊皆藩臣專決枉濫者衆時務姑息不復究問建隆三年詔自今郡國大辟並錄紫朱書格律及禁勘月日官典名銜以聞委刑部覆視仁宗哀矜庶獄官失入死罪者終身不得改官吏部嘗引對選人韓中正以失入人罪報罷後刑部引為詳漸官上見其奏謂王欽若曰此豈常引對者耶欽若對曰然上曰既常用法不當乃可以為法官乎詔劾引用者罪

沈德妃之弟惟恭樂安郡王之壻張承行同管句會  
灵觀之燔生黜惟恭蔡州承行汝州並管庫妃主交  
為言乞留京師仁宗曰已行之命為貴戚所回則法  
徒設矣命趣行

燕樂

酺飲起自秦法三人會飲則罰金故曰事賜酺吏民  
會飲過則禁之太宗嘗謂輔臣曰朕讀唐史書每見  
睿宗以後賜酺或連夜七日九日亦或彌月無乃太  
甚乎娛樂不可過三日為得宜矣玄宗令三百里內  
刺史縣令各率音樂集都下能無勞擾耶雍熙九年  
冬南郊禮畢詔賜大酺三日丙申自丹鳳樓至朱雀  
門張樂遷四市物貨會五方士女旱車水船往來御  
道為魚龍曼延之戲又集開封府縣及諸軍樂人列



御樓前音樂間發觀者盜路上御樓燕羣臣賜畿甸  
耆老酒食列坐於下大中祥符以後屢講是制  
上元張燈舊止三夜乾德五年太祖謂宰相曰今朝  
廷無事稼穡豐稔當縱士庶俾之行樂詔開封府更  
增兩夜遂為定制  
故事學士赴任有敕設獼猴之戲其礼久闕張洎蘇  
易簡除翰林學士特命設教坊雜伎樞密直學士知  
制誥以上咸與其集太宗曰謂侍臣曰學士清切貴  
重朕常恨不得為之

聖祖降後上謂王旦等曰先天降聖節欲設齋醮止  
刑罰屠宰其日聽士庶以延壽帶續命綉保生酒更  
相贈遺因示帶綉一奩皆金銀珠翠繒綵為之日曰  
陛下製此非止崇奉蓋欲均福衆庶臣等不勝大慶  
湯敷實曰此教語便是逢迎豈待受美珠而後不  
取諫耶

愛民方華附

嶺南既平太祖曰覽桂陽監歲入白金教謂宰相曰  
山澤之利雖多頗聞採納不易自今減舊額三分之  
一以寬之

太平興國二年有司奏江南諸州權茶於松江州軍  
置八務民有匿而不聞許鄰里告給賞詔從之自唐  
建中四年趙贊判度支始稅竹木茶漆其後戶部侍  
郎張滂遂請移山茶根於茶園曰茶悉焚棄天下怨  
之九年王涯誅令狐楚代涯請入其租於戶部人莫

不悅乾德後雖禁民私賣而茶之利盡入縣官民不以為擾

太宗覽福建版籍謂宰相曰陳洪進以漳泉二州贍軍數萬無名科斂民所不堪比朝廷悉已蠲削煩苛稅名吾民當小康矣

端拱二年河北屯軍之糧度支使李惟清發河南十七州民運送上曰今已春深農事正急豈宜更興此役惟清固請乃遣左正言馮拯乘傳與轉運使規度止請發貝冀州餘糧輸邊它俟農隙上曰名惟清語

之曰掌邦計者當以民為本軍食雖少民力不任計司須務變通自今宜以利民為先無致厚斂且財貨所以濟用度取不以道豈朕愛民之意耶

淳化二年許商人納粟麥分江淮官茶以給其直謂之折博倉商人甚便之國初有折中倉或言其弊而罷之及端拱初以折中倉罷歲失國用百万之人遂欲復置以歲歉而止至是始復而更其名曰折博公私以為便

至道元年八月知開封縣裴麗正言畿縣見久夏稅

蠶鹽三司令折納大麥今已過時上曰三司害政甚矣八月課民輸大麥價益踴貴久稅皆下戶是重困小民也即日下詔聽從便雜輸粟豆以官鹽貸於民蠶事既畢即以絲絹償官謂之蠶鹽又有食鹽即隨租賦納其直

景德中河北轉運使李士衡奏方春民不足可給以錢使至夏輸絹民甚便之詔推其法於天下謂之和預買

景德中有司言京師民僦官舍居人獲利多而輸官

少乞增所輸許奪貸若人重遷必自增其數上曰豈不太刻耶先帝屢常止絕其中戒之

大中祥符五年三司請民販茶違法許家人告上曰是教犯義非朝廷所宜言不許

上封者言川峡官鹽價賤民間倍之請增其直免失厚利上曰官直賤民間尚貴上更增直下益闕矣不許

貯

陝西轉運使張象中言安邑縣兩池鹽見貯三億餘万斤尚虞遺利請申條約真宗曰過求羨餘當慮有

時而闕不許

蜀人以鐵錢重私為文券謂之交子以便貿易既久而或不能償民訟不已天聖中知益州寇斌請禁之上曰蜀民用交子久矣罷之可乎下使者議以為官置務則可以利民而止其欺上曰果利民其行之仁宗即位以真宗時常遣使江浙蠲放逋欠因登極赦恩命知制誥張師德侍御史知雜事蔡齊詳定天下欠負悉蠲除之其後命官放欠負蓋自此始

淄州東治舊以衙前主之治久廢州請均其課於諸縣仁宗曰利出於治治既廢矣他縣力田之民何預而使之輸耶命罷之

太平興國中編成方書賜諸道州郡謂之太平聖惠方一百二十卷

仁宗謂輔臣曰近時方伎之學廢故世無良匠人多橫夭乃命太醫較定黃帝內經素問難經巢氏病源等模以頒天下

銅人鍼灸圖經一節合次於此以脫落今補於後

仁宗以福建奏獄多盡毒害人者福建醫工林士元

能以藥下之詔錄其方又命太醫集諸方之善治盡  
毒者為慶曆善救方命叅知政事丁度序之以頒天  
下言者云雖有方書遠方或闕藥材不能自致詔許  
以官錢治善救方諸藥以濟民

皇祐四年上以方書雖多或藥品之衆昧者用之寡  
要貧者困於無資命太醫集諸家已試之方而刪去  
浮冗而標脈證並叙病源名之曰簡要濟衆方且命  
崇文院分作上中下三冊印頒諸邑

樞密院韓琦言朝廷雖頒方書以救民疾而貧民力

或不能及請令諸節鎮及益并慶渭四州歲賜錢二  
十萬餘州軍監十萬委長吏選官合藥以時給散上  
如琦奏至今行之

仁宗謂輔臣曰鍼砭之法世傳不同腧穴稍差或害  
人命其令太醫王惟一考明堂氣穴經絡之會鑄腧  
穴銅人式一置醫官院一置大相國寺惟一又纂集  
所聞糾正訛謬為銅人鍼灸圖經以進上命夏竦為  
之序而模以頒天下

典故

乾德三年宰相范質王溥魏仁浦同罷翌日制書以  
趙普為相無宰相書敕上召學士問故事陶穀曰自  
來輔相未嘗虛位唯太和中甘露事數日無宰相命  
僕射令狐楚奉行制書今尚書亦南省官可以書敕  
竇儀曰穀所陳非承平之事不足為比今皇弟閔封  
尹同平章事即宰相之任也上曰儀之言是即命晉  
王書敕

故事節度使不帶平章事者在大卿監下乾德五年

借

始陞節度使班在龍墀內金吾上將軍之上太平興  
國二年詔常叅官知節鎮者借紫餘緋罷日仍舊  
淳化元年益王元傑授揚潤大都督府長史學士張  
洎言唐以楊益潞幽荆五郡為大都督府置長史司  
馬為上佐其大都督非親王不授或親王遙領別命  
大臣領郡除長史副大使節度事今益王正大都督  
之任復為長史乃是自為上佐也呂蒙正以為襄王  
越王皆領長史矣今吳王獨領大都督非便上曰業  
已差誤俟別除授并正之

贖

淳化二年詔百官次對又御文德殿羣臣入閣復舊  
制也來年五月羣臣入閣設黃麾杖新制也  
三班使臣舊不免杖罰戶部尚書張齊賢編敕始請  
以贖論  
咸平六年詔河北東陝西轉運使副按邊經費勞於  
他路其月俸共給實錢至今行之  
大中祥符六年陳世卿知廣州詔歲給添支錢七十  
萬公用錢五十萬遂著為令  
真宗謂宰臣曰何承矩嘗請與藩臣封戶如何王旦



對曰唐朝將帥富貴驕蹇往、陷於不道良由事勢  
強大朝廷姑息太過每移一帥未有帖然奉命者至  
於五代餘風未殄太祖制之有術迄今藩臣有無相  
印提禁旅及久當邊任者詔旨亟召則夙夜奔命好  
談古者特思慮未至耳上然之

王欽若言比見石普奏章用新州觀察使印上顧宰  
相問其事王旦對曰普以何西節度使知許州此必  
許州觀察使印耳欽若之言謬矣凡節鎮有節度使  
印隨本司闕則州本吏用本州觀察使印又有州印

文曰某州之印畫則州錄事參軍掌用暮則納長吏  
所節度使在本鎮兵刑甲仗即節度判官掌書記推  
官連書用節度使印民田租賦事即觀察判官支使  
推官連書用觀察使印州司下符用本州印故命將  
必曰某軍節度使得專制其軍旅也曰某州觀察使  
得廉問其風俗也曰某州刺史得刺舉其州軍也  
天聖中都官員外郎吳耀卿言景德中江淮漕米歲  
不過四百五十萬石其後增至六百五十萬故江淮  
之間穀常貴而民益貧請約咸平景德中數立為中

任任

制上詔發運使歲減漕米五十萬石  
仁宗謂輔臣曰日者三司請以轉運使漕事集否為  
昇黜之法意欲使修舉其職非誘之為聚斂也邇聞  
貪冒之人饒倖恩賞肆為侵尅豈朝廷之意也轉運  
使考課法其亟除之  
梁惟吉知懷安軍其弟惟遜已在屬官惟吉母老乞  
改在仁宗命有司自今如是者悉免遂為定制

汴

河渠

至道元年上問汴河疏鑿之始張洎上言曰昔大禹  
導河自積石至于龍門南至于華陰東至于砥柱又  
東至于孟津東過洛汭至于大伾即成臯是也或云  
黎陽山禹以大河流泛中國為害最甚乃於頓丘郡  
界疏二渠以分水勢一渠自陽武縣東引入澠水東  
北流至于千乘縣入海即今黃河是也一渠疏畎引並  
西山以山東地形高敞攘東水勢不使流溢夾右碣  
石入于渤海書所謂北過泲水至于大陸泲水即濁

漳也大陸卽邢州鉅鹿澤也播為九河同為逆河入于海河自魏郡貴鄉界為九道下至滄州合為一河言逆河者謂與海水往復相承也齊桓公霸塞河廣田居惟一河水存焉今日冀東界王莽枯河是也禹又於滎澤下分大河水為陰溝引注東南以通淮泗大梁浚儀縣西北復分二渠一渠東經陽武縣南中牟臺下為官渡水一渠始皇疏鑿以灌魏都謂之鴻溝荑苕渠自滎陽五池口東注之其鴻溝卽出河之溝亦曰荑苕渠漢明帝時樂浪人王景謁者王吳

渠

始作浚渠故又以浚儀為名靈帝建寧四年於敖城西北壘石為門以遏渠口故世謂之石門渠水東合濟與河渠渾濤東注至敖渠水至此又兼入鄭卽春秋時晉楚戰於鄭是也鄭又音汜卽汜字古人避反字故改從止云汜字亦去反從卞同此義也渠水又東經滎陽北旃然水自縣東流入汜水鄭州滎陽縣西二十里三皇山上有二廣武城相去百餘步汜水自兩城間東流而去其齊流自茲而絕唯汜渠首受旃然水謂之鴻溝晉太和中桓溫北伐前燕將通

汜

卞

汜

汜

之不果義熙十三年劉裕西征姚秦復浚此渠始有  
湍流奔注兩岸渠潰塞劉公更疏鑿而漕運陷煬帝  
大業二年詔尚書左丞皇甫誼發河南男女百万閼  
汴水起滎澤入淮千餘里仍自汴河為通濟渠又發  
淮南兵夫十餘万閼邗溝自山陽淮陰至揚子江三  
百餘里水面廣四十步而後行幸焉自是天下利於  
轉輸昔孝文時賈誼上言漢以江淮為奉地謂魚鹽  
穀帛多出自東南也至五鳳中耿壽昌奏云故事歲  
漕關東穀四百万斛以給京師亦多自此渠漕運唐

汴  
汴

初改通濟渠為廣濟渠閼元中裴耀卿上言江南租  
船自長淮西北泝鴻溝轉相輸納於河陰獲嘉太原  
等倉凡二年運米七百万石涉於此也閼元末汴州  
刺史齊澣以江淮漕運經淮水波濤有沉損遂開廣  
濟渠下流自泗州虹縣至楚州淮陰縣北十八里合  
於淮喻時畢功既而水流迅急行旅艱險尋乃停廢  
復由舊河德宗朝歲漕江淮米四十万石以益閼中  
時叛將李正己田悅皆分軍守徐州臨渦口梁崇義  
阻兵襄鄧南北漕引皆絕於是水陸轉運使杜佑請

汴

改漕路由浚儀西十里疏其南涯引流入琵琶溝經  
蔡州至陳州合潁水是秦漢故路以官漕久不由此  
道故填淤不通若畎流培岸則功用甚寡又廬壽之  
間有水道而平岡亘其中曰鷄鳴山佑請疏其兩端  
皆可通舟其間登陸四十里而已則江湖黔嶺蜀漢  
之粟可方舟而下由白沙東關經廬壽潁涉蔡歷  
琵琶溝入汴河不復經揚楚沂淮之險徑於舊路二  
千餘里功寡而利博朝議將行淮路通乃亡今天下  
甲卒百千萬人戰馬數十萬匹萃在京師仍以七亡

汴

比  
汴  
汴  
國之士民集於輦下此漢唐京十倍其人矣雖旬服  
昔有水旱不致艱歉者惠民金水五丈清沁四渠派  
引脈分成會天邑舳舻相接給贍公私所以無匱乏  
也唯汴橫亘中國首承大河漕引江湖利盡南海半  
天下之財賦悉由此路而進昔大禹疏鑿以分水勢  
場帝開畎以奉巡遊雖教堙廢而通流不絕終為國  
家之用者其天意乎

水

水

天聖初右班殿直劉達言解州安邑縣自後魏正始  
中都承校尉元清平坑水西入大河以運鹽蹄永豐

渠周齊之間其渠遂廢大業中都水監姚暹決堰浚  
渠自陝郊西入解縣民賴其利唐末渠復湮沒請復  
濬之上下其議轉運使王博文以為利遂命開浚渠  
成公私便之

戶口

建隆元年版籍之數卅百一十一縣六百三十八戶  
九十六万七千三百五十三  
開寶九年州二百九十七縣一千八十六戶二百五  
十萬八千九百六十五  
至道三年戶四百五十一万四千二百五十七  
大中祥符八年戶八百四十二万二千四百三十一  
千八百八十万一千九百三十夏秋稅錢帛糧斛二  
千二百七十六万四千一百三十三絲綿禾草二千

五百八十三萬六千六百三十六  
茶鹽酒稅錢帛金  
銀二十八萬二千  
寶元元年戶一千一十一萬四千二百九十

雜錄

平蜀得鑄印官祝溫集自言祖思言為唐禮部鑄印  
官世習籀篆即漢藝文志所謂屈曲纏繞以模印章  
者也遂命重鑄中書門下樞密院省臺寺監等印  
樊若冰初在江南舉進士不第曰常漁釣采石江上  
以漁船載絲繩度江之廣狹上書言江南可代之狀  
太祖用其計下荆湖造大橋聯巨艦江南不守采石  
王師徑度遂破池陽初除舒州推官及計既行遂領  
池州事積官至給事中太祖常問其名出何典記對

曰臣慕唐右丞倪若冰故名焉上笑曰可改名知古  
盖 上惡其声近弱兵也唐右丞相乃倪若水謂之若  
冰謬矣

日本國喬然太平興國九年自其國來因得召見言  
其國王傳襲六十四世矣文武僚吏亦皆世官太宗  
歎謂羣臣曰朕不敢自逸以冀運祚永久更賴忠良  
輔朕不逮無俾遠夷獨享斯慶

有宋大臣生享王封者符彥卿王景錢俶歿而追封  
者孟昶楚王慕容延釗河南郡王、審琦瑯邪郡王

錢俶秦國王李繼勳隴西郡王劉繼元彭城郡王劉  
錡南越王李煜吳王趙普真定郡王曹彬濟陽郡王  
錢惟濬邠王魏仁浦齊王石守信衛王劉美魏王李  
用和隴右郡王  
以時政記進御自宰相李昉始以起居注進御自起  
居即梁周翰始御史中丞得從遊宴自趙昌言始集  
賢枝理陪宴京師許乘馬入禁門自李宗諤始以執  
改判禮儀院自下謂始將帥在外遇大禮賜賚自王  
德用程琳李昭始

十校



董遵誨世居幽州其母在契丹太祖令人賂邊民使  
迎其母送於遵誨遣外弟劉綜貢馬以謝上解所服  
真珠盤龍衣命齋賜之綜曰遵誨人臣豈敢當此上  
曰吾委以方面不以此嫌也  
太祖嘗命有司治第將賜郭進令蓋以甌瓦有司言  
舊制非親王公主之第不用甌瓦上曰郭進控扼西  
山十餘年使我無北顧憂我視進豈減兒女耶  
高敞國太平興國六年入貢其土卽後漢成己校尉  
之地俗好騎射戴油帽謂之蘇幕遮 三卷終

隆平集第四卷

宋曾文定公編撰

南豐後學彭期訂

宰臣

范質字文素魏郡人母夢人授五色筆而質生唐長  
興中擢進士第仕晉至翰林學士周祖擢為宰相建  
隆初封魯國公乾德二年罷相初和凝知貢舉愛質  
所試文自以中第嘗在第十三名故亦以處質其後

質官及封國皆與凝同當時謂之傳衣鉢質平居手  
不釋卷謂人曰嘗有異人言吾當大任無學術何以  
處之及司制誥人服其談瞻奉行制敕未嘗破律為  
相不受四方饋獻祿賜親族歿無餘財太祖歿其清  
慎曰真宰相也太宗亦言近世輔弼循規矩慎名器  
無與比者特不能死周社稷乃其短爾子旻  
魏仁浦字道濟衛郡人少為刀筆吏隸樞密院周祖  
為樞密使問以中原卒乘教對曰帶甲者六万及隱  
帝遣人害周祖仁浦教以易其語云誅將士以激怒

衆心遂長驅渡河卽位擢樞密承旨復問郡邑屯兵  
數仁浦詳對按籍無差世宗卽位差樞密副使陞使  
繼命垂相對曰不由科第進曰顧才何如爾遂用之  
世宗卞急輕殺戮仁浦營救而免者十常七八從出  
征鋒鏑之下無橫死者有鄭元昭誣仁浦婦翁李溫  
王之子從李守政叛捕以告變欲中傷仁浦周祖力  
辨其誣獲免及仁浦大用元昭懼卒以元昭繼興五  
郡又嘗為賈延徽譖幾遇禍總師出征有得延徽以  
獻者仁浦曰因兵戈報私怨不恐為也人稱其長者

建隆初不易其任乾德二年罷相卒子成信尚主追封仁浦王爵

王溥字齊物太原人漢乾祐中登進士第周祖鎮蒲津召置幕府從征李守正王景崇得朝臣交結書周祖欲暴其事溥力請焚之周祖將大漸趣草相制聞宣畢曰吾無恨矣世宗嘗問漢相李崧蠟在書結北虜有記其辭者否溥曰使崧有此旨以示人耶逢吉革攝之爾世宗遂優贈其官建隆初不易舊任乾德二年罷卒謚文獻後改曰文康父祚仕至上將軍祚

九

致仕溥猶居相位每公侯引觴為壽溥侍側如嬰兒人稱其孝敬祚徇貨殖溥亦獲恠嗇譏孫貽永

貽永字秀長真宗以其故相家選尚太宗第四女鄭國長公主除右衛將軍駙馬都尉明年主薨即納所賜宅累擢節度使歷宣徽使同知樞密院事改副使加同平章事以疾求罷聽免兼侍中至和初復以疾丐解職除右僕射檢校太師兼侍中鄧國公卒年七十一贈太師中書令謚康靖子道卿貽永為人慎約寡言無綺紈声色之好嘗知徐州河決滯臺作堤城

令

南水至不為患王曾守南京表其事詔褒之鄆州咸  
平中徙城而故治為通衢密通梁山澤春夏多病涉  
貽永知鄆州相地築東南道二十餘里至今人獲其  
濟灤原作澗無此字楊布  
灤浴云疑作灤有朴音  
薛居正字子平閬中人父仁謙五代史有傳居正後  
唐清泰中登進士第仕周至刑部侍郎建隆初知朗  
州有亡卒教年為盜軍使疑城中釋子為應欲殺  
之居正以計緩其事生擒賊首乃知釋子千教無預  
謀者乾德二年初置叅知政事居正及呂餘慶首當

千

順

其選開寶六年拜相太平興國初進位司空薨謚文  
惠無子以同姓子惟吉為嗣居正操行方重不事苛  
察好讀書為文敏瞻有集二十卷詔李昉為之序  
沈倫字祖直陳留人名上一字避太宗舊名去之太  
祖初除同州節制辟在幕府屬改命皆從焉及即位  
擢樞密副使開寶六年拜相太平興國四年罷卒謚  
恭惠平蜀日倫為計度制置使諸將以賄敗倫歸篋  
中唯圖書數卷在相位自守而已  
盧多遜懷州人父億有操行仕至少府監周顯德末

登進士第開寶中累擢叅知政事九年拜相多遜博  
涉經史善伺人主意太祖每遣取書多遜伺知卽通  
夕閱視詰朝問書中事應答無滯上益寵待為翰林  
學士時屢於上前毀趙普及在相位普之子及其親  
屬多為所抑普再相廡知多遜常遣親吏交通秦王  
廷美因發其事追削官爵并其家配崖州卒於配所  
初王祐知制誥多遜欲祐協力擠普一日祐以字文  
融排張說事示之怒出祐知華州及多遜敗士大夫  
服祐有明識

趙普字則平藺州人父迥徙常山又遷洛陽因占籍  
焉劉詞節制永興辟為從事詞遣奏稱其才授滁州  
判官太祖以周世宗命破皇甫暉救滁州聞普沒獄  
多全活者方出鎮馮翊遂表為從事屬改命普在幕  
府卽位授諫議大夫繼除樞密副使乾德二年代范  
質相久之罷太平興國初復相堂帖之行與詔敕無  
異太宗命勿復行八年授鄧州節制端拱元年復相  
淳化元年以疾罷除河南尹進位太師魏國公薨追  
封真定王謚忠獻卒年七十一設鹵簿葬舉唐制也

普初無學術太宗勉之晚年頗該博在相位十年獨  
任政事閣中設大瓦壺中外章奏不欲行者擲壺中  
既而焚去性多忌剋太祖嘗稱馮贛欲大用普遂請  
以知梓州遣私奴從之郡伺其過失詣闕訟之贛配  
隸沙門島十年三司使趙鼎廉其市木治第事留有  
鄰又訟中書不法太祖惡之學士竇儀對曰訪普所  
為儀曰不知退而曰我必不大用而必不之朱崖及  
詢盧多遜多遜乘間攻其短亟進預政事及普再相  
多遜遂有朱崖之命蜀人侯莫陳利用以方術進至

團練使所為多不法普力言之上為黜利用普言之  
不已利用卒伏誅聞者欣快普在相位士大夫有言  
人短長者必命吏追錄之有事則引以為證自是人  
無敢言中書事益壅蔽又嘗建議以趙保忠鎮夏臺  
俾圖繼遷反通謀箴為邊患時論罪之端拱復相頗  
為同列所窺鬱鬱不得志而去雖然普遇事能斷知  
無不言與夫循嘿者有間矣

李昉字明遠真定人父超仕至集賢學士昉以門蔭  
補齋郎漢乾祐中登進士第在周為翰林學士建隆

初遷中書舍人盧多遜攻趙普短太祖詢昉曰臣  
書詔之外思不出位太祖征太原過常山賜羊酒俾  
於居第燕集丞相至藩侯皆賦詩刻石太平興國八  
年拜相建議復時改記先進御後付史館端拱初罷  
淳化二年復相在位循謹自守臨事多恕為文慕白  
居易所居有園亭又葺郊外宴遊之地多畜妓樂娛  
樂親友與張洎盧多遜善薄張佖上嘗問多遜昉頗  
為辨釋上曰多遜常毀卿不直一錢昉曰臣不敢誣  
罷相張洎草詔漲攻其短張佖時造其第或問佖

千

佖曰我為廷尉獨李公未嘗以私事見于今雖退居  
可見也昉薨贈司徒諡文正子宗諤

宗諤字昌武昉第三子七歲能屬文取於父任得官  
獨由鄉舉端拱二年登進士第性謙謹衣敝策蹇人  
不知其宰相子也獻文召試除集賢校理太宗每有  
篇詠多賜昉及宗諤宗諤屬和世榮之宗諤宗諤之  
兄也宗諤官至諫議大夫翰林學士卒年四十九李  
潛與宗諤同歲同月後一日生其卒亦後一日潛字  
德潤冀州人父超為禁卒從潘美掌刑力美嗜殺戮

趙常緩之怒釋多全活者人以為有陰德濬官至右  
司郎中樞密直學士宗諤博學曉音律尤精於興章  
沿革朝廷創制損益莫不與聞景德初北虜請和後  
一歲生辰使至首命宗諤館伴自郊勞至餞禮有節  
適行判太常寺鼓吹工之謬濫者無所容風流文雅  
內行純至事繼母以孝稱二兄早卒奉嫂字孤入無  
間言友其弟宗諒甚篤賞延所及皆先諸姪其卒也  
子猶有未仕者獎借後學薦拔寒素接人有禮士大  
夫愛慕之其書字勢傾側後進多擷筆效之罕有類

者為時之所貴如此有文集六十卷內外制集四十  
卷又有家傳談錄行於世

宋琪字叔寶范陽薊人晉天祖中在契丹舉進士登  
第幽帥趙延壽惜其自陷虜廷辟為從事建隆間為  
開封府推官太宗尹京禮遇甚厚即位累擢至叅知  
政事太平興國八年與李昉同相曰諸盧多遜汨弟  
上惡面罷之薨年八十贈司空諡惠安琪有吏能辨  
捷好詼諧而寡學識

呂端字易直其先燕人父琦五代史有傳兄名犯太

而



祖諱下一字、餘慶太祖節制同州餘慶為賓佐及  
卽位累擢叅知政事蜀平知成都府不罷政事以執  
改落藩鎮自餘慶始歸朝復旧任既而引疾求罷除  
尚書左丞卒年五十大祖慕容餘慶居其先趙普李  
處耘首大用餘慶獨不介意及除執政而處耘被黜  
同列欲共排之上問處耘第以實對普忤旨而罷仍  
力為辨釋餘慶重厚有守所至以寬簡治與弟端俱  
以文官三品蔭補千牛衛備身端在周直史館建隆  
初遷太常丞歷官四十年始大用淳化四年叅知政

### 諭

事至道初拜相太宗嘗恨任用之晚端持重識大體  
同列奏對或多異議一日內出手札戒諭自今中書  
事經呂端裁決乃得聞奏真宗卽位尤加體貌見必  
拱揖以其身體偉大為納陛俾登殿所咸平初以疾  
罷薨年六十六贈司空謚正惠子荀藩蔚藹李惟清  
自樞密改中丞意端抑已屢遣人訟堂吏過又彈端  
久在病告端曰吾直道而行無所媿也端姿表瓌秀  
器識和裕屢遭擯斥未始經意嘗使高麗暴風折檣  
舟人恐怖端讀書自若兩使絕域後有往者必問端

為宰相未其為遠近所慕如此  
李沆字太初汝州肥鄉人父炳仕至侍御史沆好學  
沉厚寡言有精識炳嘗謂人曰此兒異日必致公輔  
太平興國五年登進士第至王化基上書自薦太宗  
曰李沆宋漫皆佳士也命相府同召試茲除知制誥  
沆官最下特升於上累擢給事中參知政事淳化四  
年罷真宗升儲以為太子賓客詔儲君待以師傅禮  
及即位復參知政事明年拜相北虜入寇車駕幸鄴  
沆畱守東京不戡一人輦下肅然景德元年薨年五

十八贈太尉中書令諡文靖沆博學內行修謹居位  
慎重門無私謁終日危坐望之儼然上每議政語天  
下安治沆常以四方水旱螟蝗為言上深慰納既薨  
上對侍臣曰沆忠亮淳厚終始如一言畢泣涕久之  
王旦常自謂吞節不能逮沆世謂二人皆賢相也弟  
贊源淮子簡

畢士安字舜舉代州人徙居鄭州乾德四年登進士  
第累遷至知制誥翰林學士真宗尹京士安為閤封  
府判官即位命擢知府復入翰林為學士又為侍讀

學士景德初參知政事踰月拜相二年薨於位年六十八贈太傅中書令諡文簡士安端重有識度善談論所至以公正稱年高目昏讀書不輟有文集三十卷藏於家

呂蒙正字聖功河南人太平興國三年登進士甲科歷官一紀遂至相位曾任知制誥翰林學士參知政事端拱初相淳化二年罷四年復相六年罷相國朝以來三居相位唯趙普及蒙正蒙正沈厚寡言有器局以正道自持張紳知蔡州以贓敗有為紳營解於

### 贓

上曰紳家富不至此特蒙正貧時有求不獲今報之耳上卽復紳官蒙正不辨後考課院得其實黜之太宗復謂曰張紳果有贓蒙正亦不荅判江寧府教遣中貴人將伶待之如在相位時不少減近制宰相子起家卽授水部員外卽加朝散階蒙正固辭止授九品京官自是以為例罷相歸西洛養疾有園亭時會親舊環侍皆子孫間舉壽觴釋然自得真宗謁陵寢祠后土過洛納兩幸其第當世榮之父龜圖仕至起居郎初龜圖黜妻刘并棄蒙正刘誓不改適及蒙正

蒞官迎二親同堂異室奉養並至時稱其孝累改封  
以許國公薨年六十八贈太師中書令  
張齊賢曹州人徙居洛陽自言慕唐李大亮為人故  
字師亮乾德間應科舉不中選太平興國二年登進  
士第累擢至簽書樞密院樞密副使叅知政事淳化  
二年拜相咸平初復相屢進位至左右僕射請老以  
司空致仕飲食素過人執政後丁內艱水漿不入口  
者七日其後日一飧粥既祥方食脫粟飯三年酒肉  
果菜不入門世稱其孝平日頗以致君自任言涉踈

濶前後治獄全活甚衆未第時依太子少師李肅家  
及貴歲時祭之種放之用亦其薦也嘗為部使者務  
存寬大察訴牒多得其情嘗對太宗曰灵夏終為繼  
遷所擾人謂其過卒如所料在相位事有涉干請辭  
連李沆而齊賢獨任其責物論甚美及再相與寇準  
相傾遂虧名節歸洛得唐裴晉公午橋莊有池榭松  
竹之勝日與親旧觴詠其間善教子孫皆能自立有  
文集表疏集雜編小說各數十卷  
王旦字子明大名父祐有文行國史有傳旦沈厚

好學祐知其必致公輔手植三槐於庭以為識旦太平興國五年登進士第淳化初獻文除直史館明年知制誥祐久典書命旦不十年繼之咸平初入翰林為學士三年樞密副使四年叅知政事景德三年拜相在樞府一年叅知政事八年任首相十二年以疾懇求退不已意不可奪除太尉仍詔禮官具上事儀未上而薨年六十一贈太師尚書令謚文正初旦與錢若水同在西掖若水善人倫常曰王君凌霄聳壑棟梁才也非吾所能及李沆以同年生亦相厚善謂

為遠大之器且端重介直明達治體接物雖和易而風格峻整當官臨事獨不可犯為相屬罷兵之後務在鎮靜善於獻納言簡順理慎惜名器叙進才品不以私怨廢公義薦用人有終身不知者不許子弟應舉以妨寒俊亦不薦補諸子居第湫隘服器質素與弟旭友爱甚至敦獎名教留意文雅近世典章族氏尤極該洽真宗初遣天書刻玉使以旦領之國朝以耒居相位天下無間言者唯旦及李沆云  
向敏中字常之閬州人父瑀唯一子教督甚嚴常謂

第 其妻曰大吾門者此子也太平興國五年登進士節  
久之太宗飛白書敏中張詠二名付中書語宰相曰  
此二人名臣也朕將用之淳化四年自廣南轉運使  
召還除工部郎中擢樞密直學士與張詠並命是年  
同知樞密院事自員外郎至是凡百口耳會曹彬除  
樞密使改副使咸平初改叅知政事二年兼樞密使  
出安撫河北以禁兵万人翼從四年拜相五年坐市  
薛居正第罷大中祥符五年復相天禧三年薨年七  
十二贈太尉中書令謚文簡初太宗欲大用之當路

者有言敏中在法寺時皇甫侃監無為權務以賄敗  
嘗求敏中從末減下御史臺捕侃僕詰之僕云有書  
敏中不啓封還之書今痊臨江軍傳舍遣索果得書  
減題如故上驚異遂登用烏罷相出知永興軍遣駕  
幸澶州密詔俾便宜從事詔不泄邊境以安故有復  
用之意敏中沉毅寡私交獨為人主所知多智善保  
身識大體相位門無私諾子不使當事任雖處大事  
若已不與避遠權勢慎於薦拔大在幾三十年衰老  
猶不得謝時論目為重德

寇準字平仲華州下邳人太平興國中登進士第器  
識文學時鮮其比初補歸州巴東令五年不得代既  
又宰大名府成安賦役期會書鄉里姓名揭之縣門  
民無違者巴東有秋風亭準析韋應物一言為二句  
云野水無人度孤舟盡日橫識者知其必大用後因  
言事太宗溪器之淳化二年擢樞密副使四年罷知  
青州太宗對左右數語及準有間言至終不能移上  
意五年召參知政事曰奏對切直上怒起輒挽衣留  
以俟處沒太宗嘆曰真宰相才也上欲建儲密詢於

準對曰謀及婦人中官近臣皆不可也惟擇所以副  
天下望者上屏左右問曰襄王可乎對曰非臣所知  
也及真宗為太子人望翕然上曰天下心屬太子將  
置我何準曰願得所付天下之福也至道二年罷改  
知鄧州咸平六年除三司使景德元年與畢士安同  
相契丹入寇上召羣臣問禦戎策畢士安請選將王  
欽若勸幸金陵陳堯叟以幸罵為請準曰非親征不  
可上從準議兵威大振車駕及衛南而捷書來上三  
手罷相大中祥符七年除同平章事充樞密使八年

逐  
罷天禧三年復相四年真宗不豫皇太后參議改準  
請間曰丁謂佞人也不可輔少主願擇方正大臣羽  
翼太子上然之準曰舍楊億草太子監國制且進億  
以代謂甚密詰朝準被酒自漏言謂乘婦人車詣曹  
利用第謀遂準遂癸周懷政朱能天書事遷準以太  
子太傅歸班請對不許降太常卿知相州徙安州貶  
道州司馬仁宗卽位再貶雷州司戶踰年徙衡州司  
馬命未至卒年六十三詔許歸葬西京過公安縣民  
擁道設祭立竹焚幣焚餘竹無根株踰月皆自生邑

上  
氏嗟賞卽生竹地立祠歲時祭之謂其竹曰寇公竹  
歲久成林人不忍伐仁宗對輔臣哀準以忠貶死贈  
中書令萊國公謚危身奉上曰忠佐國遭憂曰愍詔  
賜準謚忠愍錢惟演素忌準又詔附丁謂作樞密直  
學士題名記輒不列準後蔡齊言於上卽命刊去上  
又哀準無子以從子隨為後乃擢其塔屯田員外郎  
張子臯直祕閣齊詔河南就賜其家祭酌之初準  
至雷州吏以圖經獻視其四至云東南門至海岸十  
里準悅曰吾少時有云到海祇十里過山應万重豈



皆  
偶然耶南行之初過零陵行橐為溪寇所掠其酋聞  
而趣還之世言忠義足動獲俗況氣同者手準剛正  
篤於自信不能與世俯仰故人多惡之至道郊恩以  
左正言馮拯為虞部員外郎拯訴於朝罷政事者七  
年未始少抑雖王旦亦以為好人懷惠又欲人畏威  
皆大臣所宜避準自以為已任此其短也惡之者或  
云在相位與張齊賢相傾或云朱能為天書降乾祐  
縣準知而不言審如是丁謂之拂鬚固足以悅詎致  
其媒孽耶及謂道出雷州欲見而不可得其不能與

世俯仰如此而蔽以險詖庸回不其過欵準知將逝  
遣人取太宗所賜通天犀帶於浴中半年始致沐浴  
具朝服束帶北面再拜俄登榻而終非遠於死生之  
數能如是欵

入  
王欵若字定國臨江軍新喻人少孤祖郁嘗曰吾歷  
官五十餘年慎用刑活人多矣後必有興者其吾孫  
乎淳化三年登進士甲科累遷知制誥翰林學士咸  
平四年叅知政事景德初契丹人寇欵若請行以叅  
知政事判天雄軍上親燕以遣之還朝累求罷政事

制特置資政殿學士罷之既久又加大學士之名景德三年知樞密院事大中祥符五年除樞密使同平章事七年兼同天書刻玉使是年罷八年復樞密使平章事天禧元年拜相三年商州捕得道士譙之易畜禁書能使六丁六甲神而欽若贈之詩故罷知杭州踰年復資政大學士資善堂侍說進司空既而除節制檢校太師同平章事判河南府以疾不俟報赴闕降司農卿分司南京仁宗即位復祕書監改太常卿刑部尚書天聖元年復相進司徒三年薨於位贈

按欽微亦字晉公通刺與丁謂之遇洞窟皆異人方有此異事也降天書時之宰相皆奇無此等怪誕字

太師中書令蓋文穆錄親屬及門下吏二十餘人前此宰相復卹未有其比欽若少時過圃田夜視天文有紫微字赤色及使弔襄城道中有通刺字未暇視而與之見告欽若曰異日位至宰相既去視刺字乃唐裴晉公也自是遂喜神異事且撰文以記之真宗即位欽若判三司理欠憑由司奏蠲乾德至咸平浦負千餘方釋繫囚三千餘人以廣惠澤叅知政事日有訟欽若及洪湛貢舉受賂命邢昺鞠之時上顧欽若方隆故湛獨流儋州人以為冤大中祥符間與馬

六

知節同在樞府知節惡其為人不能相下故西罷之  
封泰山祀汾陰天下言符瑞欽若皆與焉朝廷有所  
興作必委曲遷就以合上意與丁謂陳彭年林特及  
內臣刘承規交通蹤跡詭異時論謂之五鬼真宗作  
喜雪詩誤用旁韻王旦白欽若曰天子詩可校以礼  
部格耶它日上謂輔臣曰王欽若幾為衆所啗与楊  
億等同謔冊府元龜有褒詔則自為表謝謹問則戒  
吏云第言億等故馬知節面斥其女同其後仁宗亦  
謂王曾曰欽若所為真女邪也五子皆人以從姪寅

亮為後欽若平日所撰有天書再降泰山祥瑞首目  
簿記彤管懿範天書儀制翊聖傳聖祖事跡羅天大  
醮五嶽廣同遷叙圖列宿万灵廟真一圖其數百卷  
丁謂字公言初字謂之蘇州人嘗袖文謁王禹偁禹  
併愛其文即為詩贈孫何及謂比之韓柳名遂大振  
淳化三年登進士第累擢知制誥諫議大夫西為三  
司使大中祥符五年參知政事九年除節制知昇州  
天禧間復參知政事改樞密使四年與李迪同相迪  
對上斥謂女邪同罷而謂詔畱加司空封晉國公仁

宗即位進司徒銜侍中坐雷允恭移山陵皇堂事罷  
少保分司再貶崖州司戶參軍凡五年徙雷州又三  
年徙道州明道末復祕書監致仕居安州又徙光州  
卒年七十二詔賜錢十萬緡百疋謂淳化間為福建  
轉運使初置罷焙歲貢團茶數品供御咸平初峽路  
蠻擾邊會分川峽為四路謂夔夔州轉運使措置蠻  
事作誓刻石柱境上其後文入寇止委其酋領討平  
之居五年詔許自舉代乃舉薛顏景德初契丹入寇  
謂知鄆州虜騎稍南民大驚趨楊劉渡舟人邀利不

又

時濟謂斬死罪囚於河上舟人懼不復稽阻又令廣  
旗幟擊刀斗聲振百餘里虜亟走適大中祥符初議  
封禪未浹謂因言大計有餘議遂定謂機敏有智謀  
儉巧險詖亦鮮其偽文字徑日雖千百言無遺忘至  
三司案牘有差老吏不能曉者浹於一言皆中其理  
朝廷營造莫不兼領凡奏祥瑞事皆謂及王欽若與  
烏步道江南遇呂洞賓語之曰君狀貌同李德裕言  
訖不見其後果驗第誦說諫子珙珙玳珙  
馮拯字道濟河陽人太平興國二年登進士第咸平

中擢樞密直學士明年同知樞密院事景德初改簽  
書明年參知政事久之以疾丐罷大中祥符四年知  
河南府七年除御史中丞又以疾除戶部尚書知陳  
州真宗問王旦曰拯屢求閒郡何也對曰馬知節常  
薄拯志在節旄不敢請大藩也天禧四年拜相五年  
進右僕射仁宗卽位遷司空兼侍中天聖初罷相授  
節制檢校太尉兼侍中判河南府卒年六十六贈太  
師中書令謚文懿子用已恕已端已誨已稱已勤已  
行已虛已潔已初拯通判廣州在太常博士彭惟節

思

之上及郊祀覃思以正言遷虞部惟節遷屯田皆員  
外郎而自謂與參知政事寇準有隙上封言其事上  
為罷準乾興初與丁謂在相位謂獲坐祈拯營免時  
太后欲殺謂拯言上初卽位誅大臣駭天下耳目謂  
得釋死拯嚴重中人傳宣中書未常與坐林特常詣  
第累日不得通既而令至中書卒亦不見

隆平集第五卷

宋曾文定公編撰

南豐後學彭期訂

宰臣

王曾字孝先青州益都人咸平中登進士甲科所試  
有物混成賦天下以為賦格累擢知制誥翰林學士  
大中祥符九年叅知政事時王欽若方挾祥瑞迎合  
人主意陰排異己者以細故罷曾政事天禧中復然

參

知政事魚太子賓容仁宗卽位以為宰相忤太后意  
罷知青州景祐二年復相封沂國公與呂夷簡議論  
不協求退出判鄆州加資政殿大學士卒年六十贈  
侍中謚文正有文集五十卷子緯幼以姪繹為後景  
祐初契丹始修好所致書以南北朝冠國号之上曾  
時直史館言春秋外夷狄爵不過子今與抗非外夷  
狄之意上嘉之天書降詔作玉清昭應宮廷臣莫有  
言者曾陳五害以諫在翰林一日上晚坐承明殿召  
對命謁者論之曰思卿甚故不及御朝服為上所敬

如此知審刑院初違制之法無故失率坐徒二年曾  
請分故失非親被制書者止以失論上不悅曰如是  
無復有違制者曾曰如陛下言亦無復有失者矣自  
是違制遂分故失天禧初知應天府民訛言有妖若  
飛帽搏人自京以南皆驚恐曾夜聞里門捕倡言者  
氏乃定真宗晏駕丁謂欲皇太后對近臣波政事皇  
帝獨朔望見羣臣庶務悉令入內押班雷允恭昼可  
於禁中曾曰兩官異處柄歸宦者禍端兆矣乃奏請  
如東漢旧制太后坐右垂簾同聽政焉真宗不豫有

引唐漢事諷皇后稱制者曾密語后戚錢惟演曰今太子沒政資喜堂天下固已屬望可異議耶惟演悟不敢異議丁謂坐雷允恭改皇堂事叅知政事任中正言於上曰謂被先帝顧託請如律議功曾曰謂不忠無足議者於是謂貶崖州中正而下十數人隨亦廢黜是時中外洵一曾正色立朝去邪憚焉前後輔政十年處天下事審而中理性儉素居家人不見其喜愠之色入朝盛服進止如有尺寸士大夫服其清修莫敢干以私者與王旦同謚世皆謂之賢相

李迪字復古濮州人少從柳開學為古文開謂門人張景高弁曰此公輔器也景德二年登進士甲科累擢知制誥翰林學士天禧元年叅知政事東宮建無太子賓客寇準罷相上欲相之迪固辭一日對資福殿皇太子出拜上前曰蒙以賓客為宰相上顧迪曰復何辭耶先丁謂拜相而以丁謂為昭文館大學士位迪上帝不豫令皇太子總軍國事丁謂獨請皇太子止沒常務他皆聽旨迪爭不勝謂益擅權至除吏不以聞迪語同列曰迪起布衣至宰相能取容徇權



亮

臣耶時詔二府並進秩兼東宮官乃遷迪中書侍郎  
兼尚書左丞故事宰相無作左丞者謂欲以抑迪也  
又欲進所善林特樞密副使兼賓客迪執不可曰於  
待漏所大詬之至上前斥謂擅權不法事且言寇準  
無罪不當黜因格前制不下出謂知河南府迪鄆州  
謂人謝自陳無罪復畱及仁宗卽位貶迪衡州團練  
使謂使人逼之至自裁不死謂竄迪稍復及章獻皇  
后崩乃再相景祐二年范諷以罪貶迪坐諷姻家出  
知亳州久之除翰林侍讀學士畱京師奏呂夷簡結

荆王元儼為除門僧惠清守關鑿義鞠之乃迪在中  
書時補降太常卿知密州久之復資政殿大學士知  
兗州元昊反乃上章請臨邊除節制判天雄軍康定  
元年請老以太子太傅致仕卒年七十七贈司空謚  
文定賜御篆碑額曰遺直之碑子東之徽之輔之初  
迪在翰林時薦饑三司調用不給上召迪問迪對曰  
祖宗置內藏庫欲攻取西北且備凶年今邊無他費  
以佐國用則民不加賦上為大癸內庫金繒賜三司  
知秦州曹瑋教言响斷羅欲內寇請益兵不遣乃求

响  
罷上問誰可代之迪曰非瑋莫能制也陛下重發兵  
得非將上玉皇聖号耶上曰問陝西兵教對曰臣向  
在奉道以方寸小策記兵及糧以俗調發今猶置佩  
囊中上令採取之曰小黃門取紙札迪悉上合存當  
及調塞下教上曰不意頗收復在吾禁中矣未幾廟  
斷羅冠邊復召問對曰瑋必克後教曰捷報至上曰  
卿何料之審也曰彼舉兵遠來此堅壁待之是以知  
其必勝爾垂簾日迪知河南許朝見章獻太后詔迪  
曰卿不欲吾與國事吾今保養天子至此如何迪曰

不知太后有聖德也后喜  
張知白字用晦滄州人端拱二年登進士第累遷龍  
圖閣待制御史中丞大中祥符九年叅知政事天禧  
二年罷為侍讀學士知大名府真宗賦詩餞之仁宗  
即位召為樞密副使天聖三年拜相六年薨於位贈  
太傅中書令謚文節無子景德初周伯星見百官稱  
賀知白獨以為人君當修德以應天星之見伏何所  
繫焉曰極陳治道之要又以朝廷重內官輕外官引  
唐李嶠議請選臺閣分典藩郡仍自請補外真宗以

清

知白居侍從不許及固請乃以知青州初知白參知政事為宰相王欽若所排及知南京欽若謫分司南京眾謂必報之而知白待之加厚其在相位情約如冥士慎重名器人服其公

呂夷簡字坦夫壽州人曾祖夢奇後唐為工部侍郎咸平三年夷簡登進士第累擢知制誥龍圖閣直學士仁宗即位除參知政事天聖六年拜相明道二年罷是年復相景祐二年封申國公四年罷以使相判許州徙天雄軍未幾復相慶曆元年進封許國公判

賜

樞密院以判院太重改置樞密使二年以病特進司空平章軍國重事上夏之翦鬚陽以療其疾夷簡薦富弼等數人可大用因再辭位進司徒固請老以太尉致仕卒年六十六贈太師中書令謚文靖賜御篆碑額曰懷忠之碑子公綽公弼公著公孺始王且嘗謂王曾曰夷簡器識遠大君其善交之後果與曾並相夷簡通判貝州按河北水災請除田器之算以重本曰詔天下農器皆除算冠準知永興軍擢巨亥徙湖南過關有上變事者夷簡曰此必有使之者

勿

宜幼問益徒之遠方上從之權知開封與魯宗道同  
按雷允恭從皇堂事真宗既祔廟太后欲神主復曰  
悉陳其平生服玩夷簡曰太后奉遺以保嗣君非遠  
茲進忠愛民欽天未足為報也故事輔臣曰郊恩遷  
官夷簡與同列豫辭之遂著為式章懿太后上仙夷  
簡因奏事簾前曰聞夜中有宮嬪凶者太后即起有  
頃獨出謂夷簡曰卿欲離吾母子也夷簡曰太后他  
日不欲保全劉氏乎太后悟乃發喪成服備禮葬之  
大內災宮門晨未開輔臣請對上御拱辰門樓百官

乎

拜樓下夷簡獨不拜上遣問其故曰宮庭有妾願一  
見上為舉簾見之章獻皇后崩夷簡手疏請正朝  
綱塞邪徑禁貨賂辨侮士絕女謁遠近悉罷力役節  
冗費既又立州郡學校授宗室環衛官建睦親宅增  
教授官置大宗正以總之郭后廢上欲立民間女陳  
氏為后夷簡力正之慶曆初契丹兵壓境夷簡請建  
都大名示親征之意曰此囊瓦城郢計也於是建北  
京天聖初太后臨朝內外無間言夷簡之力為多議  
者以其再相增北虜歲賜授宗室環衛官非計之得

止

戚

也  
張士遜字順之光化軍人生百日始能啼淳化中登  
進士第屢從外補當貢舉初用糊名法士遜試諸科  
為巡捕白主司有親戚在進士中願引避不聽曰自  
言真宗是之遂詔自今舉人與試官有親姻者皆移  
試別頭後中書擬進江南轉運使闕帝自除士遜大  
中祥符初詔天下州郡置天慶觀士遜請曰諸觀  
以省營造詔如其請久之遜為壽春郡王友及儲宮  
建遺諫議大夫兼右庶子又遷賓客天禧五年樞密

副使天聖六年拜相明年罷明道元年復相次年罷  
寶元二年復相封鄧國公七上章請先進鄧國公復  
拜太傅致仕以宰相謝事前此所未有也就第十年  
方卒年八十六贈太師中書令謚文懿賜御篆神道  
碑額曰曰德之碑上欲臨奠左右言其日庚戌本命  
也上曰朕以師臣夫復何避士遜七歲喪母養於其  
姑下也徒跣扶柩特遣封南安郡太君陳堯佐罷叅  
知政事有挾怨上言堯佐欲反復有誣諫官陰附宗  
室者士遜置二奏上前且言檢言動搖朝廷若一聞

其前則臣亦不能自保矣上悟道告者於法誣諫官  
事亦寢在相位曹利用憑寵自恣而不能正時請以  
為和鼓惡程琳奏知政事多異議孔道輔御史中丞  
不附已欲併逐之鄭戩發琳市第事士遜諷道輔使  
營釋之道輔不知其賣已遂言於上上疑以朋黨琳  
及道輔俱被黜道輔憤惋而死楊偕嘗彈士遜納女  
日於宮中事所著春坊契第等十集子友直友偁友  
正

王隨字子正河南人咸平五年登進士第累擢知制

誥仁宗為皇太子選任右庶子坐假周懷政白金落  
知制誥改給事中知杭州乾興初復降為祕書少監  
知通州久之復給事中遷龍圖閣直學士知戎州戎  
人多畜逃卒或忤意則執以求賞故坐法衆隨至下  
令能自歸者免仍隸旧籍多所全活擢御史中丞明  
道二年叅知政事景祐二年知樞密院事四年與陳  
堯佐動輒忿爭無大臣體以災異授東漢策免例同  
請罷除節制判河陽卒年六十七贈中書令謚章惠  
子鑑錯錡初隨除京西轉運使言父母在洛中乃所

部真宗賜詩及羊酒東帶帛使過家為壽時人榮之  
在西掖不善為制命故出知應天府外若方嚴而所  
治常失於寬善佛慕唐裴休為人仍學其書世謂弗  
逮也

華傳

陳堯佐字希元閬州人父省華國史有傳兄堯叟字  
唐夫端拱二年登進士甲科太宗常詢其父省華猶  
在常調遂召用之明年父子同日賜緋堯叟累擢樞  
密直學士咸平四年同知樞密院事下父憂起復景  
德元年改簽書三年知院事大中祥符五年加平章

下

約

事樞密使兼羣牧使七年罷八年復舊官職九年以  
疾出為右僕射知河陽疾甚求還至京卒年五十七  
贈侍中謚文忠有文集三十卷堯叟有材略多智術  
久典機密軍馬之籍皆能記之究心羣牧馬政多立  
條約公私以為便常為廣西轉運使其俗有疾不服  
藥唯禱神堯叟以集驗方刻石桂州驛舍是後始有  
服藥者嶺外少林木井泉堯叟為植木道傍鑿井道  
亭舍至今為利性儉素事親至孝母馮性嚴堯叟未  
嘗忤其意

原本略作用

堯佐端拱元年登進士第累擢知制誥翰林學士天  
聖七年樞密副使改叅知政事明道二年罷景祐四  
年與王隨同相次年諫官論政事錯謬以宰相非其  
人遂與王隨同請罷並除使相堯佐判定州康定元  
年以太子太師致仕居鄭州四年卒贈司空兼侍中  
謚文惠後事皆豫備自誌其墓曰有宋潁川生堯佐  
字希元號知餘子壽年八十二不為天官一品不為  
賤使相納祿不為辱三者粗可歸息於父母榘神之  
域矣有文集三十卷又有潮陽編野廬編遺興策愚

江

兵集子述古求古學古道古博古修古履古游古襲  
古象古初堯佐為開封府推官以言事貶通判潮州  
潮俗鄙陋始至為修宣聖廟作韓吏部祠堂人始知  
學有張氏子年十六為其母浣衣惡溪為鱉魚所噬  
堯佐慕韓吏部投文惡溪曰捕獲以文戮之於市為  
兩浙轉運副使杭州江堤舊以竹籠石潮濤所噬未  
幾輒壞堯佐議實薪土以易之或言其不可而丁謂  
執改遂從堯佐京西其後堤久不成遂用薪土知滑  
州河決捲埽不能定堯佐乃鑿木如編齒置於湍流



隨水而下謂之木龍遂殺水勢而堤又護以長堤郡人謂之陳公堤在樞府日太常博士陳詒知祥符縣以法繩吏悉遁去章獻太后怒事下樞密院詒連姻宰相呂夷簡有欲回詒中傷夷簡者堯佐以為罪詒則其人得計而能吏沮矣詒遂獲免堯佐工為二韻詩人多傳之性儉約不事浮侈當未第時同父者華及伯季訪華山陳搏搏謂之曰三子皆將相然中子伯季所不逮也卒如其言

原本卷為百塔作梯

弟堯咨字嘉謨咸平三年登進士甲科累擢知制誥

景德三年殿試進士與劉綏道於試卷中為密号貶鄆州團練副使大中祥符九年復知制誥遷集賢院又遷龍圖閣直學士知永興軍所為多不法上不欲窮治止罷學士徙鄧州復知制誥常為人所傾堯叟乞示以所犯使知上保全之意日詔切責之乃引謝久之復職仁宗即位擢知開封府除翰林學士龍圖學士換觀察使知天雄軍固辭不得已受之加畱後進武信軍節度使再知天雄軍卒年六十五贈太尉謚康肅子敏古宗古昭古榮古垂古本古臻古堯咨

有文著治本十六篇諸宮上下編善射性豪俊在永  
興置武庫建視草堂開三門築甬道出人用刑慘刻  
教陵陝西轉運使樂黃目黃目請從以避之其事遂  
達於上

章得象字希言世居泉州高祖任偽閩建州刺史回  
家浦城母夢登天得玉象而得象生既生父夢庭中  
積象笏如山因名之曰得象咸平五年登進士第累  
擢知制誥翰林學士加承旨景祐三年同知樞密院  
事實元二年與張士遜同相慶曆五年以使相判陳

州封鄒國公徙河南府引疾守司空致仕卒年七十  
一贈太尉兼侍中謚文憲性簡重翰林十二年怡然  
自得居相位八年親戚子弟皆抑而不進子澤之介  
之延之脩之仁宗常謂得象曰先太后臨朝羣臣邪  
正朕皆默識之卿獨忠清無所附麗故大用也  
陳執中字昭譽父恕字仲言洪州人少為小吏俄折  
節讀書王明知洪州褐衣詣見劇談時務明歎曰奇  
士也太平興國初登進士第擢至給事中淳化二年  
叅知政事坐以上意語樊知古辨析上前因罷改自

碎  
後屢遷至尚書左丞集賢院學士景祐元年卒年五十九子淳執中執古恕長於吏事在朝敢言端拱初為河北營田制置使密奏曰戍卒皆惰游仰食縣官一旦使冬被甲兵春執耒耜恐變生不測既得詔罷營田止葺堡壁而已屢司金穀檢察甚峻常言出入之任所當慎者起支定例人以為當時在三司頗傷苛倖知貢舉避嫌凡江南貢士皆被黜落又舉行貢舉非其人條被罪者皆怨憤恕事親至孝居喪絕葷茹哀毀過禮以故得疾不任治劇執中以父任為正

字屢進文論真宗稱善召至闕下帝屬疾大臣無敢及建儲執中上言太子天下本不可不早定明日上神所製演要三篇示大臣徐曰更有一佳文字乃所陳建儲議目名見擢右正言坐公黑奪正言出監岳永真三州酒稅茶務累擢天章閣待制龍圖閣直學士寶元元年知樞密院康定元年罷慶曆四年參知政事五年與賈昌朝同相皇祐初以疾求罷進吏部尚書觀文殿學士知陳州久之以使相判大名府五年復相以笞小婢出外舍死御史孫抃列其八事劾

抃

翰 毫

奏之翰林學士歐陽修亦諭列於朝至和二年罷除使相判亳州還上節鉞改右僕射封黃國公徙河南曹州過京以疾賜告就第加司徒祁國公致仕卒年七十贈太師兼侍中有司謚恭襄詔謚曰恭執中當國八年人莫干以私四方問遺無及門者在中書不欲外聞差除每退朝即閉省東門又罷三司百司句當公事及三司所舉場務官皇祐末貴妃薨上常詢之不能考正典禮以對遂至退黜再論罪之  
晏殊字同叔撫州臨川人七歲善為文景德初李昉

毫

張知白安撫江南薦之台試詩賦進士出身後二日復試詩賦論自言賦題已常為之上喜其不欺為改題文成稱旨擢正字祕閣讀書丁父母憂皆特起復仁宗封昇王為記室升諸為太子舍人累擢知制誥翰林學士天聖三年樞密副使五年罷既而除御史中丞改資政殿學士兼翰林侍讀學士除三司使復樞密副使未拜改叅知政事章獻太后崩以禮部尚書罷知亳州陳州復為御史中丞三司使康定初知樞密院事未幾除樞密使慶曆二年加平章事三年

與章得象同相四年諫官孫甫蔡襄彈奏所撰李宸  
妃墓銘不言上宸妃所生及從兵治產事除工部尚  
書知潁州應天府許州復觀文殿學士知永興軍河  
南府以疾請歸京訪醫留侍綈筵授奉天壽觀卒年  
六十五贈司空兼侍中謚元憲真宗常謂輔臣曰殊  
少年孤立力學自奮加以沉謹京師賜酺京官不預  
會同輩召出觀不吞其弟穎亦能屬文朕遣取所業  
且戒殊勿為改竄弟請潤色不之省亦不言其故周  
慎如此信知其稟賦異也在三司時元昊叛陝西用

川  
兵殊請罷監兵仍不以陣圖授諸將及募教弓箭手  
又請出宮中無用之物以佐邊費由是悉罷他日之  
領財利者還度支初為樞密副使從幸玉清昭應宮  
怒從者笏後至擊折其齒緣是遂出性剛峻簡率如  
此雖少富貴奉養若寒士當世賢士大夫如范仲淹  
歐陽修孔道輔輩皆出其門其為文章瞻麗應用無  
窮尤工風雅才有餘思子居厚成裕知止明遠  
祇德幾道傳正女適富弼楊察有文集二百四十卷  
又有臨川集二州集二府集又取梁陳至唐人文章

為一集既葬御篆其神道碑云劉云王介甫不得專  
杜衍字世昌越州人大中祥符元年登進士第累擢  
天章閣待制樞密直學士御史中丞龍圖閣學士康  
定元年同知樞密院事改副使出為河東宣撫使慶  
曆三年樞密使四年拜相兼樞密使五年罷明年願  
還印後以太子少師致仕故相一上章服以三少致  
仕非故事議者以為賈昌朝疾之故也謝事十餘年  
累遷至太子太師祁國公卒年八十贈司徒兼侍中  
謚文献子訢衍臨終作遺疏千餘言其略云勿以久

十

安忽邊防之戒勿以既富輕國用之原又請早建儲  
副以安天下心衍清介舊無居第既退方葺舍南都  
出入如平日無軒冕意好吟詩晚喜草書在相位多  
裁抑僥倖眾所不悅御史劾奏其塔蘇舜欽集妓樂  
進奏院祠神事又王益柔作傲歌語涉指斥欲下御  
史按罪衍謂羅織獄今起都下矣執不可又諫官孫  
甫言丁度面求進用請屬吏行不為致對范仲淹當  
躬出宣撫言者隨攻之卜欲罷二人行又以為不可  
遂疑其朋黨出知兗州范仲淹常出行門下後數爭

事上前衍無愠色仲淹益敬服焉  
龐籍字醇之單州人大中祥符八年登進士第累擢  
天章閣待制龍圖閣直學士慶曆四年樞密副使皇  
祐三年拜相五年罷以使相觀文殿學士知并州徙  
青州請老以太子太保致仕卒年七十六贈司空兼  
侍中謚莊敏子元英元中元直初籍為大理寺丞預  
編天聖敕黑擢殿中侍御史章獻太后崩籍下閤門  
取垂簾儀制尽燔之有欲造後苑珠玉奇巧物媚上  
者籍言蠱盡為災民憂轉徙復有西北夷狄之患苟

西

非儉約何以濟用上嘉納之為開封府判官尚美人  
遣內侍韓從禮稱教旨免工人市籍者籍言於上上  
為杖從禮仍詔諸司自今宮中傳命無得施行知延  
州自五龍川之敗戎落民居焚燬幾尽戍兵十餘万  
未有營壁籍按金明西北有渾州水土平沃川尾有  
橋子谷即虜出入之隘道也命鈐轄狄青將万人築  
招安寨於谷旁募民耕墾得粟甚多凡故地為虜所  
據者悉逐之築土城久之元昊遣牙校齎其親信野  
利毗榮書求納款籍意其詐不受後數日果寇定川

旺

既而復以旺榮書來而元昊亦去僭号籍不敢谷乃  
請於朝、廷厭兵議招懷之使籍答書稱旺榮為太  
尉籍復請曰太尉天子三公使旺榮稱之則元昊不  
可得臣矣其書自稱寧令或謨寧令皆虜中官於義  
無嫌詔從之踰年又遣使來改名曰曩宵稱男不稱  
臣籍言名體未正不敢以聞其使求自至京師若天  
子不許則更歸議之籍言虜辭理浸順俟其使至仍  
遣使同往申諭之卒用其策而元昊復臣及為樞密  
副使又請併省官屬徙兵就食於是邊費十省七八

其後又與中書議汰冗兵八万焉在相曰儂智高叛  
或言狄青不可專任上以問籍、曰青起行伍若以  
文臣問之則號令不專不如不遣也上然之及捷書  
至上謂籍曰非卿執議豈得成功既而推恩二廣應  
舉者六百九十一人時以為僭嘉祐中皇嗣未建上  
不豫籍密疏言之甚切

章布言福  
建人王定  
國臨江  
吳同叔臨  
川人劉冲  
之吉安人

劉沆字冲之吉州永新人父素不仕以財雄鄉里曾  
祖景洪事楊行密為江南牙將有彭玕者據州稱太  
保將景洪附湖南偽許之復以州歸行密遂不仕常



皆先公甫  
為相洛陽  
橋上杜鵑  
之識恐後  
人附會類  
康節耳

謂人曰我不從彭玕當活萬餘人後必有隆者曰名  
所居山曰後隆山山有唐牛僧儒讀書堂故基即其  
上築臺曰聰明臺沆母夢牛相公來而生沆天聖八  
年登進士第累擢知制誥龍圖閣學士皇祐三年參  
知政事至和元年拜相嘉祐元年罷知南京徙知陳  
州卒年六十六仁宗作挽詩賜其家又篆其碑頌曰  
思賢之碑沆個儻任氣所至有治声決訟多中理時  
論比之張詠知衡州有大姓尹氏為偽券以欺鄰人  
之孤訟久不得直沆至其孤終二十誥尹氏曰若券

田募八出

曾取證他鄰否其人當有存者尹氏辭詎服刑而歸  
其出知潭州有草寇黃捉鬼鄧和尚誘溪峒蠻人擾  
湖湘北軍至多病死沆基士兵使保地分賊稍困乃  
令提點刑獄楊政等入路入討斬首萬餘級遂頓兵  
開一路榜曰賊由此路由降敢殺者與擅殺同於是  
降者三四萬人賊平召還而餘黨復叛殺裨將降知  
鄂州其後權知開封府有張彥方受富民金偽為張  
貴妃母越國太夫人奏補助教救沆抵彥方死不問  
越國及叅知政事包拯論淮緣貴妃進後追冊貴妃

沆

為后而沆為園陵使既葬賜妃閣金器百兩辭不受  
在相位疾言者屢加裁抑又舉行御史遷次之格滿  
二歲者與知州范師道趙抃歲滿求郡獨引救出之  
中丞張昇等言沆挾私出御史沆乃言其官將有不  
測之謀論辨不已遂罷知南京子瑾琢瑄  
賈昌朝字子明真定人晉中書舍人緯之曾孫天禧  
元年獻頌名試賜同進士出身景祐元年初置崇政  
殿說書以授昌朝而天章閣置侍讀亦自昌朝始累  
擢知制誥龍圖閣直學士權知開封府御史中丞慶

曆三年叅知政事四年樞密使五年拜相七年除使  
相判大名府王則平加檢校太師封安國公楊偕言  
賊殺所部不當賞弗聽皇祐元年徙鄭州留以觀文  
殿大學士判都省又求補外除右僕射使侍中判鄭  
州辭僕射侍中改使相二年母喪去位四年除故官  
召對經筵講易出判許州移大名嘉祐元年樞密使  
仍同平章事三年諫官御史言昌朝別為容位以待  
官官又釋其矯制者罪雖無實罷為使侍中景靈宮  
使七年復判大名府英宗即位加左僕射鳳翔尹魏

百  
國公治平元年求還使侍中不許二年改觀文殿大學士判都省卒年六十八謚文元昌朝在經筵善講說仁宗有所質問皆記錄刪潤以進賜名迹英廷議二閣記注錄太平興國寺災以易春秋進戒曰言可勿繕治以稱順天愛人之意西域僧以佛骨銅像獻請加賜遺還勿示外皆從之銓法縣令俸錢滿有二十千者乃注奉縣令人昌朝判銓以為如此則小縣終不得善令矣仍一尋給俸劉平石元孫陷西虜或誣以降議收其族昌朝為中丞言事未可知乃不果

傳

收及在相位元孫自西夏歸議賜死昌朝獨曰自言將帥被執歸不死元孫得不死侍講林瑀以天子卽位年月傳會易算推吉凶昌朝疏出之元昊反昌朝請減不急費詔令與三司合議歲<sup>減</sup>百萬繕又言待夷狄六事時皆用之在大名河決高胡中書議歸之六塔昌朝力爭之不已其後河果不可塞振救瀕河水災之民全活甚衆中人劉恢往還河上言河決趙征村與上姓名嫌為不祥或謂昌朝使之以搖當國者昌朝博學善議論為一代名臣皮大用不為正人所

及

與而教有攻其結宮人宦官者有奏議文集各二十  
卷通紀八十卷本朝時令十二卷羣經音辨十卷  
宋庠字公序安州人舉進士開封禮部皆第一人天  
聖元年賜進士及第與弟同有時名以詩賦為學者  
所宗謂之二宋庠初名郊李淑曰對言於上曰郊交  
也姓與國号同而名交非所宜仁宗語之更為累擢  
知制誥翰林學士寶元二年參知政事出知揚州加  
資政殿學士慶曆五年復參知政事八年樞密使皇  
祐元年與文彥博同相二年罷為觀文殿學士知河

毫

南府徙許州河陽嘉祐三年同平章事樞密使封莒  
國公五年罷以使相判鄭州徙相州英宗卽位移鎮  
加檢校太師鄭國公景灵宮使屢請老不許出判毫  
州其請不已乃以司空致仕卒年七十謚元憲上篆  
其碑額曰忠規德範之碑初制舉人與武舉雜試庠  
建言六利待天下異士宜設次具酒食禮之武舉人  
別試上從其請慶曆中仁宗召西府資政殿親策以  
時事庠獨以為兩漢對策本延嵩穴草萊之人臣等  
備位大臣自視遇如賤士非所以尊朝廷乃請歸中

科

愛

書合議上奏從之後又手詔以時事詢兩府與庠同  
推庠為對庠所至以靜鎮為治末年信愛幼子頗致  
物議性儉約不喜声色讀書至老不倦初在西掖上  
欲以同知樞密院故事無自知制誥除者乃召入翰  
林而用弟祁

祁字子京與兄庠同試吏部會諒陰止奏名祁為第  
一章獻太后云弟不可先其兄可擢庠第一而祁為  
第十人兄弟友愛甚篤仍同簽甲科初釋褐授復州  
軍事推官累擢修起居注次當知制誥而庠叅知政

免

事乃除天章閣待制庠罷除知制誥歷龍圖閣直學  
士翰林學士庠復執政改龍圖閣直學士樞密使復  
翰林學士當張貴妃制祁欲以告進問李淑曰弟  
進之上意在冊禮祁乃進告遂落職知許州未數日  
復侍讀學士又復龍圖閣學士御史言其子與張彥  
方游出知亳州徙成德軍加端明殿學士吏部侍郎  
知益州代還除三司使中丞包拯言祁在益州多遊  
燕又其兄在政府乃以龍圖閣學士知鄭州唐書成  
進工部尚書踰日為翰林學士承旨除羣牧使卒年




六十四贈刑部尚書將終親草遺表勸立皇嗣戒其  
 子勿請謚勿乞遺恩勿為銘誌勿修佛事子定國彦  
 國惠國輔國奉國順國亮國保國俊國廣國有文集  
 一百卷廣樂記六十五卷唐書列傳一百五十卷修  
 唐書十餘年雖外官亦以藁自隨非特文章有見於  
 世其守邊議兵雖古之名將不能過也章疏之達於  
 者尤切世務卒不至大用時論惜之

原本官裏簡重本上無以字腔記時  
 歐文晏碑子八與此不同

畢殊成裕下有知止字無官記

止



乙丑長夏二十一日校完

受業生坦記

文化乙丑

